

Posta e Kosovës Sh.A.

**KONTRATA PËR KRYERJEN E SHERBIMEVE POSTARE DHE SHERBIMET TJERA POSTARE -
PULLA KOMERCIALE**

Kjo Kontratë lidhet në mes të:

1. **Posta e Kosovës SH.A.** Adresa; rr. 28 Nëntori, nr. 4, 10000, Prishtinë, Kosovë. Me numër të biznesit (70847701). E përfaqësuar nga përfaqësuesi ligjor z. **Sejdi Hoxha**, Kryeshef Ekzekutiv i PK SH.A., në tekstin e mëtejme: Kryesi i Shërbimeve, dhe
2. **Komuna e Gjakovës.** Adresa: rr. Nena tereze nr. 469, Gjakovë; Të cilën e përfaqëson z. **Ardian Gjini** – Kryetar i Komunës: në tekstin e mëtejme: Porositësi i Shërbimeve.

NDËRSA:

Duke marrë parasysh konsideratat dhe kushtet e premtimet reciproke të parashtruara këtu, personi tjetër juridik i identifikuar në faqen e nënshkrimeve të kësaj Aneks-Kontrate kryerjen e shërbimeve Postare I identifikuar si, “Kryesi i Shërbimeve” dhe personi tjetër juridik i identifikuar në faqen e nënshkrimeve të kësaj Kontrate si Porositësi i Shërbimeve bien dakord si vijon:

Kontrata për Kryerjen e Shërbimeve Universale Postare dhe Shërbimeve të Tjera Postare/Pulla Komerciale.

1. PËRKUFIZIME

Në këtë Kontratë, përveç kur konteksti e kërkon ndryshe, termat e mëposhtme kanë kuptimet e dhëna më poshtë:

KONTRATË : do të thotë kjo marrëveshje, për kryerje e shërbimeve postare

AFAT : ka kuptimin e dhënë në Nenin 2.

29/12/2017
01 016/01-24947/

KRYESI I SHËRBIMEVE : do të thotë : Posta e Kosovës SH.A. (PK SH.A)

POROSITËSI I SHËRBIMEVE : do të thotë : Komuna e Gjakovës

OPERATOR PUBLIK POSTAR : person juridik (Posta e Kosovës Sh.A) i licencuar për ofrimin e shërbimeve universal postare.

SHËRBIM POSTAR : Shërbimet e kryera me pagesë për dërgimin e dërgesave të postës së letrave, pakove, urdhërpagesave si dhe shërbimet e kryera me pagesë të cilat sigurohen nëpërmjet mjeteve për pranimin dhe dërgimin e dërgesave postare.

SHËRBIM UNIVERSAL POSTAR : shërbimet e kryera me pagesë për dërgimin e dërgesave të thjeshta postare deri në dy (2) kg, pakove deri në njëzetë (20) kg, shërbimet e urdhërpagesave dhe shërbimet e veçanta për dërgesat e regjistruara.

DËRGESË E THJESHTË POSTARE : çdo dërgesë postare që nuk regjistrohet ose shoqërohet me ndonjë shërbim të veçantë.

SHËRBIM I VEÇANTË POSTAR : shërbimet me të cilat dërguesi kërkon mënyrë të veçantë të dërgimit, bartjes dhe dorëzimit të dërgesës, ndryshe quhen dërgesat të regjistruara, (dërgesë e porositur”R”, dërgesë me fletkthesë”AR”, dërgesë me kundërpagesë, shërbimi i shpejtë postar, etj).

PULLA KOMERCIALE ; nënkupton pullën që emitohet sipas kërkesës specifike të personit fizik apo juridik.

ZYRË POSTARE : hapësirën punuese në të cilën operatori postar ofron shërbime postare

TARIFA POSTARE : ka kuptimin e çmimoreve të shërbimeve postare, të aprovuar nga rregullatori (ARKEP).

PERSONAT KONTAKTUES: ka kuptimin e personit me të cilin bëhen kontaktet në lidhje me zbatimin e mirëfilltë të kësaj kontrate.

2. AFATI I BASHKEPUNIMIT.

2.1 Kjo Kontrate fillon në datën **28/12/2017**, dhe vlen me nënshkrimin e te dyja palëve kontraktuese dhe është e vlefshme për një periudhë kohore një (1) vjeçare, deri me **27/12/2018**, me mundësi vazhdimi, përveç rastit kur është fjala për zgjidhje të parakohshme të kësaj kontrate, sipas marrëveshjes së palëve kontraktuese.

2.2. Zgjidhja e aneks-kontratës është e mundur edhe nëse dispozitat ligjore mbi shërbimet postare e parashohin një mundësi të tillë.

2.3. Personat Kontaktues do të jënë: Nga Komuna e Gjakovës z. Flamur Fetahaj, Drejtor i Drejtorisë për Punë të Përgjithshme Administrative, e-mail; flamur.fetahaj@rks-gov.net Tel. 044 /178/962 nga porositësi i shërbimeve, dhe z. **Ardian Pirku**, nr. tel : +37744613995 apo edhe nga **Shitja - PK Sh.A**, nr. tel; **038534478** nga kryesi i shërbimeve.

3. DETYRIMET E PALËVE

3.1. Palët kontraktuese janë marrë vesh që lënda e kontratës të jetë ;

Pranimi dhe dorëzimi i dërgesave universale postare dhe Kryerja e shërbimeve tjera postare – Pulla Komerciale, Kryesi i shërbimeve obligohet për shërbimin **Pulla Komerciale**, merr përsipër, tij kryej për llogari të porositësit të shërbimit, dizajnimin dhe shtypjen e pullave postare komerciale, për nevojat e shërbimit të dërgesave postare të konsumatorit si brenda dhe jashtë territorit të Republikës së Kosovës.

3.2. Kryesi i shërbimeve obligohet të bënë pranimin/shpërndarjen e dërgesave postare dhe dorëzimin e këtyre dërgesave Postare nëpërmjet formularit - Librit të pranimi.

3.3. Porositësi i Shërbimit në mënyre alternative mund të regjistroj dërgesat online përmes web faqes www.postakosoves.com, ne rubrikën **KLIENTËT** (regjistrimi i dërgesave), para se ti dorëzoj në mënyre fizike në zyrën postare të PK Sh.A.

3.4. Kryesi i shërbimeve obligohet që objektet postare t'i dorëzojë ne afat në adresën e marrësit, sipas procedurave të parapara ligjore dhe udhëzimeve mbi pranim-dorëzimin e dërgesave postare, kurse për dërgesat postare të pa dorëzuara të ceket arsyeja e mosdorëzimit dhe t'i kthehen marrësit të vulosura dhe të konstatuara.

3.5. Kryesi i shërbimeve obligohet që të bejë verifikimin se a përputhen të dhënat e shënuara ne librin e pranimi me të dhënat e shënuara ne dërgesa (dërgesa postare) dhe të shënojë taksën për secilën dërgesë.

3.6. Porositësi i shërbimeve obligohet që të gjitha dërgesat Postare nga veprimtaria e kryesit të shërbimit t'i dorëzoj ne Zyrtat Postare të Postes së Kosovës.

3.7. Porositësi i shërbimit obligohet që në dërgesat e veta nuk do të vej materie dhe sende bartja e të cilave është e ndaluar sipas Ligjit mbi shërbimet postare.

4. KUSHTET E PAGESËS:

4.1 Kryesi i shërbimeve për shërbimet e bëra nga neni paraprak i kësaj kontrate përmes faturës ja faturon taksën ne fund të muajit për muajin paraprak ne pajtim me tarifën postare ne fuqi të aprovuar nga ARKEP për llojin e shërbimit që parashihet si produkte të Postës,

4.2 Faturimi do të bëhet sipas ofertës së prezantuar dhe në përputhje me çmimore që është e aprovuar

operatori publik kemi ndryshim të tarifave të shërbimeve postare, konsumatori obligohet që të paguaj faturat sipas këtyre tarifave të ndryshuara.

4.4. Posta e Kosovës do të aplikoj zbritje nga tarifa bazë e miratuar, bazuar në Vendimin për politikat e Diskontit(zbritjes), Nr. 01-1890/15, të datës; 21/08/2015, si për dërgesat vendore brenda territorit të R. Kosovës, ashtu edhe për dërgesa ndërkombëtare, varësisht prej numrit të sasive të dërgesave brenda një(1) viti kalendarik.

4.5. Porositësi i shërbimit obligohet që pagesën për taksen postare dhe shërbimin e kryer të bëjë në llogarinë bankare të Postës së Kosovës SH.A. sipas faturës së dorëzuar, në afat prej 15 ditëve me shenjen për të hyrat e "Posta e Kosovës SH.A".

4.6. Kryesi i shërbimeve postare kryhen shërbimet postare sipas tarifës/çmimoreve në fuqi të miratuar nga **ARKEP**-i (Autoriteti Rregullativ i Komunikimeve Elektronike dhe Postare), të cilën mund të gjeni në web- faqen: www.postakosoves.com

5. ZGJIDHJA E KONTRATES:

5.1. Kontrata fillon me rastin e nënshkrimit nga të dyja palët dhe është e vlefshme në afat prej një (1) viti, me mundësi vazhdimi,

5.2. Para skadimit të afatit të kontratës 30 dite përpara duhet të shqyrtojnë mundësinë e vazhimit të kontratës dhe bashkëpunimit, me kërkesën paraprake me shkrim për vazhdim nga ana e porositësit të shërbimit.

5.3. Palët kontraktuese mund të zgjidhin kontratën edhe para përfundimit të afatit në piken 2.1. duke e njoftuar njëra tjetrën se nuk dëshirojnë të vazhdojnë bashkëpunim, me kërkesën me shkrim 30 dite përpara.

5.4. Secila palë mund të ndërpresë njëanshëm kontratën për kryerjen e shërbimeve postare, brenda afatit kontraktues, kurdo që e vlerëson se ka efekte negative afariste, duke njoftuar njëra tjetrën me shkrim brenda afatit prej 15 ditësh.

6. NDRYSHIMI I STATUSIT

6.1 Kryesi i Shërbimeve rezervon të drejtën e plotë të transferojë këtë Kontratë në rastin e ndryshimit të pronësisë pasardhësve të tij ose ndonjë subjekti të tij ndaj çdo Kompanie, pa qenë nevoja të marrë miratimin e Porositësit të Shërbimeve, dhe ky transferim do të bëhet efektiv në datën kur Kryesi i Shërbimeve i jep njoftim Porositësit të Shërbimeve.

6.2 Ndryshimet ndaj kësaj Kontrate mund të bëhen vetëm me shkrim, me nënshkrime të përfaqësuesve të autorizuar të secilës palë ose pasardhësve të tyre,

6.3 Çdo çështje e pa trajtuar në këtë Kontratë do të zgjidhet me pajtimin dhe shqyrtimin e palëve kontraktuese në përputhje me Ligjin mbi Shërbimet Postare.

7.1 Operatori publik Postar, të gjitha shërbimet nga veprimtaria e tij, do ti trajtoj në përputhje me Ligjin për shërbime Postare Nr. 03/L-173, dhe Udhëzimin administrativ Nr 2005/4/02.

7.2 Shërbimi postar ndërkombëtar realizohet në përputhje të plotë me dispozitat e këtij ligji, aktet e Unionit të Përgjithshëm Postar dhe në bazë të standardeve ndërkombëtare që kanë të bëjnë me shërbimet postare.

7.3 Kryesi i Shërbimeve do të jetë përgjegjës për çdo dëm të shkaktuar mbi pajisjet për shkak të akteve ose mosveprimeve të tij nga pakujdesia keqshfrytëzimi ose keqpërdorimi prej anëtarëve të personelit të tij i natyrës penale, qoftë ky i prekshëm ose i paprekshëm në secilin prej rasteve të lartpërmendura që ndodh gjatë përmbushjes ose në lidhje me përmbushjen e kësaj Kontrate. Kryesi i Shërbimeve nuk mban përgjegjësi nëse këto janë të natyrës që përshkruhet në Nenin 8 (Forcë Madhore).

7.4 Çdo dërgesë postare që është objekt reklamacioni do të trajtohet sipas ligjeve dhe akteve nënligjore që janë në fuqi në kohën e paraqitjes së reklamacionit.

8. FORCA MADHORE:

8.1 Nëse, në çdo kohë, gjatë Afatit të kësaj Aneks-kontrate përmbushja plotësisht ose pjesërisht nga secila Palë e çdo detyrimi sipas kësaj kontrate pengohet ose vonohet për shkak të luftës, luftës civile, armiqësisë, akteve të armikut publik, rebelimit, revolucionit, fuqisë ushtarake ose të uzurpimit, shqetësimeve civile, demonstratave ose kërcënimeve të menjëhershme lidhur me gjithë si më lart, sabotazhit, zjarrit, përmytjes, shpërthimeve, epidemive, kufizimeve për shkak të karantinës, shqetësimeve në furnizime nga burime normalisht të besueshme (ku përfshihen por jo vetëm elektricitet, ujë, naftë dhe të ngjashme), greva, përjashtime, vendime qeveritare ose ndonjë ngjarje tjetër jashtë kontrollit të arsyeshëm të Palës në fjalë (këtu e më poshtë e përmendur si “ndodhia”), atëherë përmbushja e këtyre detyrimeve do të falet në masën që u pengua ose u vonua dhe pala e prekur ka marrë njoftim për këtë ndodhi nga Pala tjetër brenda pesëmbëdhjetë (15) ditësh nga data e ndodhies duke pasur parasysh që ngjarja e e çdo ndodhie nuk justifikon asnjë detyrim të secilës Palë për të kryer pagesa. Asnjëra Palë, për shkak të ndodhies, nuk ka të drejtë të zgjidhë këtë kontratë ose të ngrejë pretendime për dëme kundër palës tjetër në lidhje me mos-përmbushjen ose vonesën në përmbushje. Përmbushja e detyrimeve të cenuara duhet të rifillojë sapo të jetë praktike pas përfundimit ose pushimit të ndodhies në fjalë. Nëse përmbushja tërësisht ose pjesërisht e ndonjë detyrimi sipas kësaj kontrate vonohet për shkak të ndonjë ndodhie të tillë për një periudhë që tejkalon tre (3) muaj, Palët do të takohen dhe rishikojnë në mirëbesim dëshirueshmërinë dhe kushtet për zgjidhjen e kontratës.

9. MARRËVESHJA E PLOTË:

9.1 Palët pohojnë dhe bien dakord se gjithë marrëveshjet dhe mirëkuptimet mes tyre marrin fund që prej datës efektive të kësaj kontrate: me kusht, që të gjitha shumat që përbëjnë detyrim ndaj secilës Palë sipas marrëveshjes së mëparshme mbeten ende detyrime dhe të pagueshme.

10. LIGJI DHE JURIDIKSIONI:

10.1 Kjo Kontratë qeveriset nga Ligji Kosovar, dhe është nën juridiksionin e Gjykatave të Prishtinës.

10.2 Në rast të çdo mosmarrëveshjeje që lind për shkak ose në lidhje me përmbushjen ose interpretimin e kësaj kontrate, Palët bien dakord të takohen dhe të negociojnë në mirëbesim për të arritur një zgjidhje miqësore, në mungesë të së cilës, vendimin për zgjidhje të mosmarrëveshjes do ta marrë gjykata kompetente e Prishtinës.

10.3 Kjo Kontratë hartohet dhe nënshkruhet në tre (3) kopje origjinale, një (1) për pale kontraktuese, dy (2) për PK Sh.A.

NËNSHKRUHET PËR DHE NË EMËR TË KRYESIT TE SHERBIMEVE



Z. **Sejdi Hoxha**, Kryeshef Ekzekutiv, PK SH.A.

Datë: 15.01.2018

NËSHKRUHET PËR DHE NË EMËR TË POROSITESIT TE SHERBIMEVE

Z. **Ardian Gjini**, Kryetar i Komunë së Gjakovës

Datë: 15.01.2018

